

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Pontificis Romani Leonis decimi Literae indulgentiarum per Albertum electorem & Archi-Episcopum Magdeburgensem

Leo <X., Papst>

Gryphiswaldiae, [circa 1680]

Albertus Dei & Apostolice sedis gratia

[urn:nbn:de:bsz:31-67688](https://nbn-resolving.org/urn:nbn:de:bsz:31-67688)



5 an 89 A 8946 R
ALBERTUS DEI & Apostolicæ sedis gratia,
Sanctarum *Magdeburgensis ac Maguntinensis*
sedium (a) *Archiepiscopus*, Primas, & Sacri
Romani Imperii in Germania Archi-Cancel-
larius, Princeps Elector & *Administrator Hal-*
berstadiensium Ecclesiarum, Marchio Branden-
burgensis, Stetini, Pomeraniæ, Castuborum,
Slavorum Dux, Burggravius Nurenbergen-
sis, Rugiæque Princeps, & Gvardianus Fratrum Ordinis Minorum
de Observantia, Conventus Maguntini, *per Sanctissimum Dominum*
nostrum LEONEM Papam decimum, (b) *per Provincias Magde-*
burgensem, Maguntinensem, ac illarum & Halberstadiensium civi-
tatum & Diæcesium. : Nec non terras & loca Illustrissimorum
Dominorum Marchionum Brandenburgensium, temporali Dominio
mediate vel immediate subjecta, Nuntii & Commissarii ad infra scripta
spiritualiter deputati, universis & singulis præsentis literas inspectu-
ris Salutem in Domino. Notum facimus, quod Sanctissimus Domi-
nus noster LEO, Divina providentia Papa decimus modernus,
omnibus & singulis, utriusq; sexus fidelibus, ad reparationem fabricæ
Basilicæ Principis Apostolorum S. Petri de Urbe, juxta ordinationem
nostram manus porrigentibus adjunctrices, ultra plenissimas indulgen-
tias ac alias gratias & facultates, *quas Christi fideles ipsi obtinere*
possint, (c) *juxta Literarum Apostolicarum desuper confectarum*
continentiam misericorditer etiam in Domino indulsit atq; concessit,
ut idoneum possint eligere Confessorem (d) Presbyterum secularem vel
cujusvis, etiam Medicantiû ordinis Regularem, qui eorum confessione
diligenter audita, pro commissis per eligentem delictis & excessibus
ac peccatis quibuslibet, quantumcunq; gravibus & enormibus, etiam
in dictæ sedi *reservatis Casibus* (e) ac Censuris Ecclesiasticis, etiam ab
homine ad alicujus instantiam latis, de consensu partium etiã ratione
Interdicti incurfis, & quarum absolutio eidem Sedi esset specialiter
reservata; Præterquam *Machinationis in Personam Summi Ponti-*
ficeis, (f) *Offensionis Episcoporum aut aliorum superiorum Præla-*
torum, & injectionis manuum violentarum in illos, aut alios Præ-
latos, Falsificationis literarum Apostolicarum, Delationis armorum
& aliorum prohibitorum ad partes infidelium, ac sententiarum &
censu-

censurarum occasione *Aluminum Tulse* (g) Apostolicæ, de partibus
 infidelium ad fideles, contra prohibitionem delatorum, incurfarum
 semel in vita & in mortis articulo, quoties ille imminet, licet mors
 tunc non subsequatur, & in non reservatis Casibus, totiens quotiens
 id petierint, plenarie absolvere, & eis *pœnitentiam salutare* injun-
 gere: (h) Necnon semel in vita, & in dicto mortis articulo plena-
 riam omnium peccatorum indulgentiam & remissionem impendere,
 & Eucharistiæ Sacramentum, excepto die Paschatis, & mortis articulo,
 quibusvis anni temporibus ministrare; Necnon per eos emissa pro
 tempore vota quæcunque, (Ultramarino ingressus religionis & casti-
 tatis, Visitationis Liminum Apostolorum & S. Jacobi in Compo-
 stella votis duntaxat *exceptis* (i)) in alia pietatis opera commu-
 tare, autoritate Apostolica possit & valeat. Indulset quoque idem
 Sanctissimus Dominus noster, Præfatos Benefactores, eorumque
 parentes defunctos, *qui cum charitate discesserunt*, (k) in Precibus,
 Suffragiis, Elemosynis, Jeuniis, Orationibus, Missis, Horis Canonicis,
 Disciplinis, Peregrinationibus Stationibusque & ceteris omnibus
 Spiritualibus bonis, quæ fiunt & fieri poterunt, in tota universali
 sacrosancta militante Ecclesia, & in omnibus membris ejusdem,
 in perpetuum participes fieri. Et quia devota ac religiosa Domina
 Margareta de *Rhentgesfelt* / Abbatissa, Barbara *Spanigel* / Priorissa,
 Barbara *Hagens* / Ursula *Vogtes* / Margareta von *Halmis* / Marga-
 reta *Schulers* / Magareta *Dorns* / Dorothea *Ryffenstein* / Doro-
 thea *Yechlers* / Elisabeth *Latorff* / Ursula *Eisenberg* / Osanna *Gezen* /
 Caterina *Gürstlers* / Anna *Elemens* / Anna *Hopffengarten* / Magda-
 lena *Stompelerin* / Clara *Sommers* / Caterina *Latorffs* / Anna
Kupferschmids / Felicitas de *Obernig* / Margareta *Hoppengart* /
 Prisca *Ysenberg* / Ursula de *Wochwis* / Agnes *Heldermann* / Anna
 de *Obernig* / Emerentia *Obernig* / Ursula *Wandorff* / Ursula *Latorff* /
 Caterina *Notenburg* / Osanna *Walters* / Caterina *Truppenmechers* /
 Magdalena *Oberweymar* / Clara de *Obernig* / Magdalena *Kelners* /
 Walpurgis *Nothen* / Caterina *Agnes* / Margareta *Kerls* / Anna
Hoppengarten / Margareta *Pölhors* / Barbara *Cloppels* / Margareta
Ysenberg / Elisabeth *Webers* / Regina *Herzoges* / Anna *Scheyfers* /
 Margareta *Sydenfusse* / Caterina *Platen* / Caterina *Aleg* / Cristina
Engelbert / Elisabeth *Dythmars* / Anna *Kausthen* / Cristina *Trip-
penmechers*

penthechers / Anna Oberns / Barbara Goldschmiedes / Caterina
Wachmann / Sorores & Virgines Monasterii Gerbestedi / Ordinis
S. Benedicti Halberstadenſis Diocel. ad ipsam Fabricam & neces-
sariam instaurationem suprascriptæ Basilicæ Principis Apostolorum,
juxta Sanctissimi Domini nostri propriam intentionem, & nostram
ordinationem, de bonis suis contribuendo se gratas exhibuerunt &
liberales, in cujus rei signum, præsentem literas à nobis acceperunt.
Ideo eadem autoritate Apostolica nobis commissa, & qua fungimur,
in hac parte ipsis eisdem dictis gratiis & indulgentiis uti, & eisdem
gaudere possint & valeant, præsentem concedimus & largimur.
Datum Hallis, sub Sigillo, per nos ad hæc ordinato, die decima
septima Mensis Aprilis, Anno Domini Millesimo, quingentesimo
decimo septimo.

Forma Absolutionis totiens quotiens in vita.

Misereatur tui &c. Dominus noster JESUS CHRISTUS, per meri-
tum suæ passionis te absolvat. Autoritate ejus & Apostolica
mihi in hac parte commissa & tibi concessa, ego te absolvo, ab omnibus
peccatis tuis, in nomine Patris, & Filii, & Spiritus Sancti, Amen.

**Forma Absolutionis & plenissimæ Remissionis,
semel in vita & in mortis Articulo.**

Misereatur Tui &c. Dominus noster JESUS CHRISTUS, per meri-
tum suæ passionis te absolvat. Et ego autoritate ipsius & Aposto-
lica, mihi in hac parte commissa & tibi concessa, te absolvo, Primo,
ab omni sententia Excommunicationis, majoris & minoris, si quam
incurristi. Deinde ab omnibus Censuris & Pœnis Ecclesiasticis, ac
Peccatis tuis, juxta præsentium literarum tenorem, conferendo tibi
plenissimam omnium peccatorum tuorum remissionem, remittendo
tibi etiam pœnas Purgatorii, in quantum se claves Sanctæ Matris
Ecclesiæ extendunt; In nomine Patris, & Filii, & Spiritus Sancti,
Amen.

JOHANNES HELBIGK, Notarius.
Petrus Apost. tenens insignia Marchionum
& Moguntinum,
cui inscriptum
S. Fabricæ Basilicæ S. Petri
de Urbe.



ANNO